

درسعادته یکی پوسته خانه قارشوسنده
داثره مخصوصه در

محل اراره:

مرآت الفکر

دین، فلسفه، ادبیات، حقوق و علوم دین باحث هفته لق رساله در

مسلک مزه موافق آثار جدیه مع المنزیه قبول اولنور
درج ایدیلیم آثار اعاده اولنور

افظار:

مؤسسلری: ابوالعلا زین العابدین - ح. اشرف ادیب

درسعادته	سنه لکی	القی ایلغی
ولایاتده	۶۵	۳۵
ممالک اجنبیه ده	۹۰	۵۰
	۱۰۰	۵۵ غروشدر

تاریخ تأسیسی:
۱۱ نموز ۳۲۴

درسعادته نسخه سی ۵۰ پاره در
قیریلده دن مقوا بورو ایله کوندریلیرسه سنوی
۲۰ غروش فضلہ آلتیز.
درسعادته پوسته ایله کوندریلیرسه ولایات بدلی اخذ اولنورده

عدد: ۳

۳۲۶ شعبان ۱۴ پنجشنبه ۲۸ اغستوس ۳۲۴

برنجی سنه

رحمن اولان عقل و فکره سلم عروج اولق اوزره کوسترین شهره هدايتدن بشقه سی دکدی . اون درت عصر اول یشایان جمعیت بشریه اوطریق مستقیمدن کمال امن و سلامته کتدیکی کبی بوندن صوکرده بوخا کداندنه انسان نامی پایداری اولدقجه ینه کیدیله بیلجکدر .

قرآن عظیم الشان نبوت محمدیه نك صحتی اثبات ایچون ازمئه سالفه ده بعث انبیای اثبات ایچون طوتیلان طرز ایله استدلال ایتدی . دلیل ، ینه کندیسنك كلام الله اولدیغنه ، بلغای اعجاز ایدن ، حقوق بشرک فوقنده ارلان ، ماورای سرادقات جلالدن صدورینه هیچ بر عارف سخن شناسی اشتباهده براقین فصاحت و بلاغت خارق العاده سنی حصر ایدرک مقام الوهیت دائر بیلکله و یاخود اعتقاد اتمکله مکلف اولدیغمن شیلرک کافه سی تلقین ایتدی . لکن بونلرک هیچ برینه کور کورینه اینانعه ی تکلیف ایتده دی . هپسی تمهید ایلدیکی براهین ساطعه ایله تأیید ایتدی . مذاهب مخالفه اربابی حیت سالفه صمدانیه ایله الزام و الحام ایتدی .

حیرتبخش ادراک اولان بوجادلانده مخاطبی هپ عقل سلیمدر . اهل اذعان اقناع ایچون دائماً عقلارینی ساحه بی انتهای عوالمه سوق ایدیور . عجایب ملک و ملکوتی کوسترمک ایچون دستیارى ارشاد الهی ایله جهان جهان طولاشدیریور . نظام بدیع اکوانی تدقیق اتمکی ، آفاق و انفسده کی آیات بینات قدرتی سیرونماشا ایلکی امر ایدیور . تلاوتیله حالوتیاب اولانلری ایکی ده برده (اولم یتفکروا ما بصاحبهم من جنة ان هو الاذیر مبین اولم ینظروا فی ملکوت السموات والارض وما خلق الله من شیء) [۱] (اقل ینظروا الی السماء فوقهم کیف بنیناها ووزیناها وما لها من فروج) (وفی الارض آیات للموقنین وفی انفسکم افلا تبصرون) [۳] (اقل یسیروا فی الارض فتکون لهم قلوب یعقلون بها او آذان یسمعون بها فانها لا تعمی الابصار ولكن تعمی القلوب الی فی الصدور) [۴] (قل سیروا فی الارض فانظروا کیف بدأ الخلق ثم الله ینشی النشاء الآخرة ان الله علی کل شیء قدیر) کبی آیات کریمه ایله ایقاظ ایدیور . دیدنه بصیرت لرینی پرده غفلت بورومش اولانلری ، اعمال فکر و نظردن تحاشی ایدنلری (لهم قلوب لا یفقهون بها ولهم اعین لا یبصرون بها ولهم

[۱] بونلر دوشونمورلری که حضرت محمد (علیه السلام) ده جنون یوقدر . اودات شریف آنجق وظیفه رسالتی علناً اجرا ایدر بر نذیردر . بونلر ملکوت سموات وارضه و جناب حق هر ایکسندنه ساحه وجوده کتیردیکی عجایب خلقه باقبورلری ؟

[۲] بونلر باشلرینک اوزرنده کی بنیاد معظم سمواته باقبورلری ؟ آتی هر درلوعیوبدن سالم اوله رق نصل بنا ایدوب نصل ترین ایتدی کمزی دوشونمورلری ؟

[۳] اهل ایقان ایچون یر یوزنده قدرت و وحدانیت الهیه یی اثبات ایدر نیجه دلائل وارددر ، نفسکرده برجوق آیات بینات موجوددر . سز بونلره باقبورمیسکر ؟

[۴] یا محمد ! منکرینه دی که یر یوزنده سیر و سفر ایدوب اطرافکره نظر هبرته باق جناب حقک بونجه مخلوقاتى نمونه سز اوله رق یوقدن نصل وار ایتدیکی کورک صکره آخرته ده کندی لرینی ایشته بویله جه بردها بعث وحشر ایده جکدر ، شبهه سز که جناب حق هر شیئه قادردر .

آذان لایسمعون بها اولنك كالانعام بل هم اضل اولنك هم الغافلون) [۱] کبی تقریعات شدیدیه ایله تذلیل و تحقیر ایدیور . اکوانه حاکم اولان قوانین الهیه نك تغیر و تبدلدن مصون اولدیغنی اعلان ایدن ، قرآندر . (سنة الله الی قدخلت من قبل ولن تجد لسنة الله تبدیلاً) [۲] خصمای دین ایله مباحثه و مجادله ایدرکن غلظت و شدتدن توقی ایدلمسنى امر ایدن ینه قرآندر . (ولا تستوی الحسنة ولا السيئة ادفع بالی هی احسن فاذا الذی بینک و بینه عداوة كأنه ولی حمیم) [۳] « ولو کنت فظاً غلیظ القلب لانفضوا من حولک » [۴]

ایشته کورولیورکه عقل ایله دین بیننده اخوت تامه بولوندیغنی برنجی ذیشان لساندن تأویل قبول اتمیه جک صورتده اک اول اعلان ایدن ، معلومات دینییه ی رؤسای روحانییه نك ید انحصارندن قورتاران ، عقلی مضیق حبسنندن چیقاروب نهایتسز فضالرده جولانیه مساعده ایدن کتاب سماوی قرآن عظیم الشاندر ، بونک ایچوندرکه کافه اهل اسلام ، قضایای دینییه میاننده وجود باری یی بیلک جناب حقک ارسال رساله قدرتی اولدیغنی اعتقاد اتمک کبی خصوصاتک انجق طریق عقل ایله تصدیق ایدیله بیله جکنه واحکام دینییه ده فهم و ادراکک یتشه میه جکی شیلر بولونسه بیله عقلاً مستحیل اولان شیلر بولنه میه جفنی متفقاً قرار و پر مشدر . - مابعدی وار -

احمد نعیم

نجائب قرآنیه

سوره بقره : آیت — ۳۰

« وَإِذْ قَالَ رَبُّكَ لِلْمَلٰٓئِكَةِ اِنِّیْ جَاعِلٌ فِی الْاَرْضِ خَلِیْفَةً قَالُوْا اَتَجْعَلُ فِیْهَا مَنْ یُّفْسِدُ فِیْهَا وَیَسْفِكُ الدِّمَآءَ وَنَحْنُ نُسَبِّحُ بِحَمْدِكَ وَنُقَدِّسُ لَكَ قَالَ اِنِّیْ اَعْلَمُ مَا لَا تَعْلَمُوْنَ »

یاد ایت اول دمی دخی که ربک ملکره بن روی زمینده خلیفه [نصب و تعیین] ایده جکم دیدی . انلر دیدیلر که [نسل و ذریتی] یر یوزنده فساد ایده جک و [بغیر حق] قائلر دوکه جک کیسه یی می

[۱] آنلرک قلیلری وارددر ، لکن آنکله طریق خیر و هدایتی بوله مازلر . کوزلری وارددر ، لکن آنلرله کاشاته نظر عبرتله باقازلر . قولالری وارددر ، لکن مواظ و حقایق استماع ایتزلر . بونلر حیوان کی در ، بلکه نفع و ضرر لرینی بیلمدکری ایچون حیواندن ده زیاده ضالانده درلر . ایشته بونلر غافلردر .

[۲] بو اوتهدن بری جاری اولان سنت الهیه در . سنت الهیه یه ایسه تبدیل و تحویل عارض اولدیغنی کوره مرسک .

[۳] سیئه ایله حسنه هیچ بر زمان مساوی اولماز . برسیئه کوردیکک وقت آتی ده کوزل بر صورتله دفع ایت ! غضبه قارشو صبر و حلم ، جهاله قارشو علم ، کوتولک قارشو عفو ایله مقابله ایت ! بوله یابارسه ک سنکله آره سنده عداوت اولان کیسه برده باقارسک که یار جان کبی اولمش .

[۴] قسوت قلب صاحبی بداخلاق برکیسه اولایدک ، سنک یانکدن طاغیا پرلردی .

بارینک قدرت قاهره ، حکمت باهره ، رحمت واسعه سینه دلالت ایدر [نیجه عظیم نشانه لر واردر] بونلر الوهیتک جناب حقه اختصاصی اقتضایدر . بونلر ذات بارینک وجودینی وحدانیتنی سائر صفات کالیه سنی ناطق اولمغله عبادتک ذات الوهیتنه تخصیصنی ایجاب ایلر] .

بو آیت کریمه ده رسول اکرم افندمزدن وجود باری بی مصدق آیات وعلامات طلبنده الحاح ایدن مشرکینک جهلنه و سخافت عقولنه تعریض وار . زیرا سرد اولنان آیات ودلائله تأمل ایدن اهل عرفان بونلردن هر برینی ذات بارینک وجودینی وحدانیتنی سائر صفات کالیه سنی ناطق بولورده بو آیات ودلائل ایله سائر آیات ودلائلدن مستغنی اولور . هرشی نظر اهل عرفانده وجود باری یه نشانه در وحدانیتنه برهان

محسوسدر . هر ذره لسان حال ایله « یا حق » دیه ندا ایدیور .

هر گیاهی که از زمین روید

وحده لا شریک له گوید

« جای »

اجرام سماویه بر نظام حیرتفرزا ایله طور میوب دوران ایدیور . منافع بشره خدمت ایچون بونجه اشیا فرمان بردار . ارضده مقاصد مختلفه انسانیده مدافعه اوله رق قره لر دریالر طاغیر اووه لر دره لر تپه لر وار . کیمی یرنده پیکار لر فشقیر یور کیمی یرینی ایر مقلر سقی واروا ایدیور . بعض یرلری قوملق بعض محارری طاشلق . بعض مواضعی زراعته سنیه سنی کشاده ایش خاگ نرمین . جله سنی انسانلری سنی و فعالیتنه دعوت وتشویق ایلور .

لیل ونهار تعاقب ایدیور . اشتغال ومعاشرت ایچون کوندوزلر شمس ایله ضیادار . کیمهلر ایسه خواب وسکونی بسط وتمهید ایدیور . ایش کورن اعضا بز او یقوده ایکن دیکله نوب تجدید حیا ته خدمت ایدن دیکر اعضا بز او یقوده ایکن حرکت ایدیور ، بویله فاصله لطیفه ایله مشاق نهار تعدیل وعقول تجدید ایدله کدن صکره بتون کاشانه تازه حیات وبرمک وانسانلری تکرار ایشلری باشنه دعوت ایتک ایچون متعاقباً کیمه نهاره عودت ایدیور .

« وجعلنا نومکم سباتا وجعلنا اللیل لباسا وجعلنا النهار معاشا »

باقیکز اومغز قرآن « سبات » ی نه عارفانه تفسیر ایدیور کواکبلری فصل جذبه دار ایلور :

شب کند منسوخ شغل روز را

بین جادی خرد افروز را

باز شب منسوخ شد از نور روز

تا جادی سوخت زان آتش فروز

کرچه ظلمت آمد آن نوم سبات

نی درون ظلمتست آب حیات

« فی دران ظلمت خردها تازه شد »

سکته سرمایه آوازه شد »

که زضدها ضدها آید بدید

در سویدا روشنایی آفرید

اوراده خلیفه ایده جکسین . حالبوکه بز سکا جد ایدرک تسبیح وسنی تقدیس ایدیورز . [بزه لطف واحسان ایتدیکک صنوف نعم وعواطف اوزرینه جد وثنا ایله هر دم ذات اقدسکی تسبیح وتزیه ایتمکده وشان الوهیتکه لائق علو وعزت ایله توصیف ایتلکده اولدیغمز حالده روی زمینک عمارت واصلاحنه اوراده فساد ایده جک وسفک دماء ایله جک کیمسدریمی خلیفه نصب وتعیین بیوره جقسین ، اهل طاعت یرینه اهل معصیتی قائم ایده جکسین ، یاربنا بونده کی حکمت بالغه ندر . جناب حق] بیوردی که بن سزک بیلدیککز شیلری بیلورم [بو استخلافده بوخلق وایجادده سزه منجلی اولیان حکم واسرار واردر] .

لمعه

بو خاگ سافله فکر بشر ، خواص متباینه بی جامع بولنان انسانک خلق وایجادنده کی حکمت عالییه آنجق آیت کریمه نک متضمن اولدینی رمز و اشارت مقدارنده فهم ایده بیلور . کماهو حقه فهم واطلاعی اولسه اولسه بتون حقائق واسرارک متکشف اوله جنی یوم مشهودده نصیب ومیسر اوله بیلور . او یوم مشهودده کیم بیلور نه تفهیم وتفهملر نه جلوه وحالتر ظهور ایده جکدر .

صاحب تیسیر دیدی که تسبیح : ذات الوهیته لائق اولیان شیئی نفی ایتک ، تقدیس : اکا لائق اولانی اثبات ایتلکدر . شیخ داود القیصری قدس سره حضرتلری دخی تسبیح تقدیسدن اعذر . زیرا تسبیح جناب حق نقائص امکان وحدوثدن تزیه اولوب تقدیس ایسه نقائص مذکوره ایله برابر اکوانک کمالات محدوده سندن ذات الوهیتی تزیه ایتلکدر دیدی — روح البیان .

سوره بقره : آیت — ۱۶۵

« إِنَّ فِي خَلْقِ السَّمَوَاتِ وَالْأَرْضِ وَاختِلَافِ اللَّيْلِ وَالنَّهَارِ وَالْفُلْكِ الَّتِي تَجْرِي فِي الْبَحْرِ بِمَا يَنْفَعُ النَّاسَ وَمَا أَنْزَلَ اللَّهُ مِنَ السَّمَاءِ مِنْ مَاءٍ فَأَخْيَا بِهِ الْأَرْضَ بَعْدَ مَوْتِهَا وَبَثَّ فِيهَا مِنْ كُلِّ دَابَّةٍ وَتَضْرِيفِ الرِّيَّاحِ وَالسَّحَابِ الْمُسَخَّرِ بَيْنَ السَّمَاءِ وَالْأَرْضِ لَآيَاتٍ لِقَوْمٍ يَعْقِلُونَ »

سماوات وارضک [عقول بشری فهم اسرارندن عاجز براقان بدائع صنائع ایله] خلق وایجادنده ولیل ونهارک تعاقبنده وناسه [انواع منافع ایله] نفی اوله رق دریاده جریان ایدن سفنده [دریاه حامل سفن اوله جق خاصه احسانیه انک بین الاقوام مبادله امواله وحصول رخ ومنفقه واسطه اولسند] وسمدن ذات باری یاغور انزالیه بری اولد کدن [قوریدقندن] صکره احیا ایتسند [ارضک قوتی تجدید ایدرک کونا کون نباتات ، اشجار ازهار ، ایله اکا حسن ورونق ویرمسند] وروی زمینده هر نوع مخلوقی بث [ونشر] ایتسند وروزکارلری جهات مختلفه دن اسدیرمکده ویر ایله کوک ارمسند [فرمان الهی یه منقادو] مسخر اولان بلوطلری [اقتضا ایدن محارره] سوق ایتلکده تعقل ایدن قوم ایچون [چشم عرفان ایله عطف نگاه ایدنلر ایچون ذات

اوکنه قونش آیات ربوبیتدر . یاستعان ! بزلی رسول اکرم وحیب
محترمک حرمتنه لوحه مکونانده مرتسم آیات ربوبیتکی ، کال لذت ایله
تماشا ایدن زمرة اصفیایه الخاق ایت .

محکمه تمیز اعضاسندن
برکت زاده اعماعل مهنی

— معجزات قرآنیہ —

قرآن عظیم الشان، که غیب الغیوب احدیتدن جامه جانربای عربیله ساحه
تبلیغ و رسالتده فرمانفرمای احدیت اولان برکتاب جلیل صمدانیدر ،
هر سوره سی برکتجینه جواهر معالی ، هر جله سی برسلک لالی عوالیدر .
هر کلمه سنده بیکلرجه حکم و اسرار مندرج ، هر حرفنده نیجه نیجه
نکت و دقائق مندرجدر . حصه بخشای اخلاف اولان قصص سالفه فی
آینه صیقل داراستقباله عکس ایدرک برصحنه تماشای عبرت تشکیل ایدن
قرآندر . ادیان مختلفه و مذاهب ماضیه فی حاده تدقیق نسخ و اثباتدن
کچیره رک غیر قابل اندراس بر صراط مستقیم تمذید ایدن قرآندر .
اخلاق انسانیه تهذیب ایدیله ابدیله منتهای کماله واصل اولسه ینه اخلاق
قرآنییه توافق اتمکله حائز نصاب تقدیر و بدایع فیه تلاحق افکار
ایله تکامل ایده اید، نهایت بواسطه انجق حقایق قرآنییه کشف و توضیح
ایده بیلک صورتیه حیرت افزای تفسیر اولور .

برزمانلر نظم غریب و اسلوب عجیبیه فصیحای بنی عدنانی برزمانلرده
اخبار صادق و احکام بارقه سیله بتون جهان جهانیانی مهوت و حیران
ایدن اوکتاب قدرت بوکون هر فکر تجدد آورک یکنه مراجعتگاه عرفانی
و هر عقل حقیقه پرورک قسطاس صحیح المیزانی و اخلاصه معجزه نمای حکمت اولور .
« چیست این سقف بلند ساده بسیار نقش ، زین معما هیچ دانا
در جهان اگاه نیست » بیتک ماضق حقیقی اولان او حقایق قرآنی
اوقبه منافام اثیرک مشکلاتی حل ایدن قوزموغرافیای جامع دکلدرد .
خلاصه موجودات اولان نوع بنی بشرک مهد و جوددی اولغله
تختگاه عالم طبیعت بولنان ادیات سفلیه و طبقات ارضیه به نظر انداز
امعان اوله لم حقایق قرآن ، اوساحه غرای فطرتک صورت تشکل
و کروییتی و بحار و انهارینک صورت تحصیل و حکمتی و جبال و صحرایسنک
حیات مدنییه کی تأثیر و منفعتی مبین فنون طبیعیه یی می حاوی دکلدرد ؟
هر موجودک کالنی ، هر ذی حیاتک سرار احوالی نسخه کبرای
هویتنده جمع اتمک وایج یوزنجبه حقه و طیش یوزنجبه خلقه تعلقله
بالنفس صانع لم یزلک برهان ساطع ثبوتی اولمق صورتیه مردم دیده
اکوان اولان انساننی پیش اعتباره آلهم . قرآن ساطع البرهان ،
اوسلطان سلاطین خلقتک اسباب عز و سعادتتی ، وسائط صحت و عافیتتی ،
وسائل تکامل و معرفتی و ابناهی جنسیله صورت اجتماع و معیشتی
مهلکات مادیه و معنویه سنی و مضرات دنیویه و اخرویه سنی متضمن
حقوق ، جزا ، طب ، اخلاق ، مواظ ، حکمیاتک دقیق
مبائلی می احتوا ایتامشدر . . .

صویه تودیع بیورلمش سرو خاصه ایله سطح دریاده سفینه لر
باتمیوب یوزیورلر و بوسبب ایله دریا بین الاقوام واسطه تجارت اولور .
اراده علیه الهیه موجبجه هوا و حرارت شمس کی اسباب سناویه ایله
اعماق ارضدن جو هوایه یوکسه لن انخرمدن سحاب حصوله کله رک
آندن زمینه باران نازل اولمسیله او قوریشی برلره تازه حیات کلدور .
باغیر اکیلر چنلر چچکلر ایله مزین اولور ، حسن و رونق آرتیور
بیکلرجه بیک ذی روحلر و بالخاصه انسانلر بریر یابلمش خوان نعمت
ربانیه دن نواله چین عاطفت و عنایت اولورلر .

« وجعلنا من الماء کل شیء حی »

روزکارلر برجهتدن او برجهته کاه سرت کاه خفیف کاه صفوق
کاه صیحاکی اسبور . مابه الحیاة اولان هوا برآن کلسه بتون ذیروح
هلاک اولور و روی زمینده هر شیء تعفن ایدر ایدی . سحابپاره لر اجنه
ریاح اوزرنده افقک بر اوچندن او بر اوچنه اوچوشوب کیدیورلر .
بونلر کونشک قزغین شعاعلرینی منع ایدیور . وقور اقلق زماننده برلری
اروا ایدیورلر . باشمک اوستنده معلق اولان بو عظیم صو خزینه لر
بردنبه بوشانیور . باران معتدل اوله رق نزول ایدیور . انسان سبی
مقادی ایله بحسب الطاقه اسرار طبیعت و فطرتی کوندن کونه کشف
ایدرک دائره معلوماتی توسیع ایلدکجه بخار و ضیا کی نیجه اموری نیجه
صورتله منافعهنده استخدام ایدیور .

« وایتکم من کل ما سئلتوه وان تعدوا نعمت الله لا تحصوها »

بو بو کی نیجه نیجه حالات حیرتفرای تأمل ایدنلر قابل می درکه
وجود باری بی اعتراف ایتسون . بوسنائع بدیعده ، و تصرفات علیهده ،
فکر بشره طرف باریدن عنایت و احسان بیوریلان بودرجه وسعت
واقندارده ، قدرت و عظمت و مرحمت خالق سیر و تماشا ایتسون .
ممکن می درکه عبادتده معبود ذیشاننه عجزه مخلوقات کترین اشیا یی تشریک
ایتسون . کشاننده مسطور اولدینی اوزره خواجه کائنات علیه افضل
التحیات افندمزدن مرویدرکه « ویل لمن قرأ هذه الآیه فنج بها »
بیورلمشدر . بو آیتی او قویوبده انده تفکر و تأمل ایتمین کیمسه یه یازقلر
اولسون دیکدر .

اصفیای امت هر شیده عجائب قدرت ربانیه بی مطالعه ایتمشلردرد .
تفسیر رازیده حکایه اولمشدرکه برکون برسی نزد جناب فاروقده :
« شوسطنجه تعجب ایدرم سطرنج تخته سنک طول و عرضی بررارشوندن
عبارت ایکن انسانک اوزرنده بیکلرجه او یون اویناسه بر اوینادینی او یون
مطلقا او برینه بکزه من » دیدی . حضرت فاروق رضی الله عنه شو
جوابی ویردی : « بوندن دها حیرت افزا بودرکه انسانک طولاً و عرضاً
برر قارشندن عبارت بولنان یوزنده قاشلر کوزلر برون آغز کی اعضانک
برلری قطعه تغییر ایتدیکی حالده ینه شرق و غرب عالمده یوزلری
بر برینه تماننه بکزر ایکی آدم بوله مازسین . شو اوافق بردری پارچه
سندن بوحدو پایانسراختلافلری کوسترن اوقدرت و حکمت نه قدر بیوک .
یار خسارده اوقدر حسن و ملاحات و کوزلرده بو قدر هنر و صنعت
ابراز ایدن قدرت فاعله دها آز می محیر العقولدر . بونلر کوزلر منزک